



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum, quàm recentiorum placitis complectentia. Opus methodo novâ, & clarâ in tres digestum Partes ... accuratè, ac copiosè instructae

De Vacatione, Amissione, Et Extinctione Beneficiorvm ...

Leuren, Peter

Coloniæ Agrippinæ, 1704

262. An, & qualiter sententia lata in causa beneficii resignati contra Resignantem noceat Resignatario.

[urn:nbn:de:hbz:466:1-74494](https://nbn-resolving.org/urn:nbn:de:hbz:466:1-74494)

resignantis non probat statum ultimum beneficii contra resignatarium, v. g. quod beneficium sit ad nutum amovibile, Rota in *Mediolanensi hospitalis*. 8. Jan. 1571. apud Paris. cit. n. 24.

Questio 262. An, & qualiter sententia lata in causa beneficii resignati contra resignantem noceat resignatario?

1. **R**espondeo: eam illi non nocere. Paris. *it. q.* 16. n. 25. dicens communem juxta Rota: n. in *ana S. Quirini*. 16. Decemb. 1547. teste Put. *decis.* 80. l. 3. ed quod cedens habeatur pro mortuo civiliter, modo: si que civilis & naturalis æquiparentur; sententia autem lata contra mortuum naturaliter sit nulla, adeoque & lata contra mortuum civiliter, & consequenter non nocebit cessionario, lata præcipue, cessionario non citato. Paris. *id.* n. 26.

2. Ampliat hoc ipsum Paris. n. 33. ut procedat, etiam si lata sententia contra resignantem, resignatarius hoc sciens appellavit à sententia illa, & postea transivit in rem judicatam; ed quod appellatio non noceat, cum sententia sit nulla.

3. Limitat verò id ipsum n. 34. ex Put. *decis.* 80. n. 3. l. 3. ita ut noceat lata sententia resignatario, si is sciret, quod causa contra resignantem ageretur, quamvis addat Idem Put. super hoc nihil à Rota determinatum, & alium Auditorem dixisse, hanc distinctionem: aut sciverit, aut ignoraverit; procedere respectu possessionis, & non respectu juris. E contra quoque sententiam latam ad favorem resignantis respectu beneficii resignati non prodesse resignatario; ed quod resignanti post resignationem non liceat prosequi litem; cum jus omne per resignationem amiserit, tradit idem Paris. *loc. cit.* n. 35. sic resolutum dicens à Rota in *Segob. Archid.* 6. Julii teste Put. *decis.* 142. l. 1. uti neque prodest resignatario appellatio facta per procuratorem resignantis, cum cessione revocetur procurator. Paris. n. 37. Nec denique resignantem post resignationem esse legitimum contradicentem, ad effectum impediendi, ne procedatur viâ executionis ad immiffionem, habet Paris. *id.* n. 36. resolutum dicens à Rota.

PARAGRAPHVS II.

An, & qualiter resignans secundò resignare possit idem beneficium; Item pœnitere & regredi ad beneficium resignatum, vel agere spolio.

Questio 263. An, qui semel resignavit, possit ulterius seu secundò resignare idem beneficium?

1. **R**espondeo negativè: Paris. *l. 1. q. 15. n. 1.* citans Rebuff. variis locis; per primam enim resignationem amittit titulum & possessionem beneficii, & sic, cum dare nequeat, quod non habet, secundò resignare non poterit. Paris. *ibid.* n. 2. & qui cessit uni, non potest idem jus cedere alteri. *l. non quocumque. §. qui Cajum. ff. de l. & ibi Bart. Jason. Alex.* Paris. n. 8. Ad hæc prohibita est variatio perso-

nis maximè Ecclesiasticis, *Clem. 1. de renunc.* atque ita in secundum resignatarium nihil juris transferatur; quia talis resignans post primam resignationem nihil juris amplius, quod transferret, habebat. Paris. n. 9. tum quia collatio & provisio facta secundo resignatario nulla est, ut clarè dicitur in *reg. cancell.* Paris. 40. ubi: si resignantem pluries super uno & eodem beneficio in favorem diversarum personarum successivè consentire contigerit; voluit sanctitas sua, quod primus consensus tenere debeat, & alii posteriores consensus ac literæ eorum prætextu etiam sub priori data expediri pro tempore nullius sint valoris vel momenti. Item quia provisio est subreptitia; cum non fuerat expressum, quod resignans jam antè quoque resignarat, quod si expressum fuisset, verisimile non est, quod Papa contulisset, & voluisset tollere jus quæsitum per primam resignationem. Paris. *id.* n. 10. Unde jam, si secundus resignatarius cepit possessionem, dicitur intrusus. Paris. n. 14. citans Rebuff. *conf.* 90. & licet secundus ille possideret illud beneficium per triennium, præferendus tamen primus, contra quem secundus se tueri nequit regulà *de triennali*; quia jam non habet titulum, nè quidem coloratum. Paris. n. 23. citans Rebuff. *conf.* 185. Quamvis titulum coloratum per secundam resignationem tribui ad effectum regulæ *de triennali*, quando multa opponi possunt contra primam resignationem, tradat Paris. *loc. cit.* n. 37. citans Sarn. *de triennali.* q. 27. n. 5. & 7. & Rotam. Quin & talis secundò resignans videtur committere crimen *stellionatus*; sicut qui duobus donat. *l. 3. ff. de crimine stellion.* Paris. *loc. cit.* n. 26. citans Rebuff. *conf.* 4. n. 11. *conf.* 90. n. 9. & Doctores in *c. nullo. de rebus Eccl. non alien.* quamvis autem Rebuff. *cit. conf.* 90. n. 9. dicat hujus criminis pœnam esse, ut privetur beneficiis, si quæ adhuc habet, juxta *l. habemus. §. economus. c. de SS. Ecclesiis*, ait tamen Paris. n. 30. se non facile accessurum huic opinioni; cum privatio beneficii non contingat nisi ex gravi crimine, & casibus in jure expressis.

2. Porro amplianda responsio Primò, ut etiam post factam primam resignationem coram Ordinario, non possit resignare secundò coram Papa, sed hæc secunda resignatio sit nulla. Paris. n. 15. ex Rebuff. Secundò, ut nequeat secundò resignare, etiam in favorem primi, seu ejusdem, in cujus favorem jam prius resignarat. Paris. n. 16. citans Rebuff. *conf.* 4. n. 5. & *conf.* 185. n. 6. Sarn. *de public. resign.* q. 18. & c. Cum enim jus omne abdicatum per renunciationem primam, secunda nihil prodest, & fieri non debet, quod factum non relevat. *l. si quando. ff. ad Velleianum.* Paris. n. 17. Tertio: ut procedat, etiam si primus resignatarius usus non fuisset resignatione per duos annos. Paris. n. 18. citans Rebuff. *conf.* 85. n. 10. ob eandem rationem. Quarto: etiam dum prima renunciatio facta per procuratorem; postquam enim procurator resignavit, Dominus non potest alteri cedere idem jus. Paris. n. 22. citans Rebuff. *conf.* 4. n. 2. ac dicens communem, Quintam ampliationem urpote propriam Franciæ vide apud Paris. n. 20. ex Rebuff. *conf.* 38. n. 3. & *conf.* 93. n. 14.

3. E contra limitanda responsio Primò: ut non procedat, quando prima resignatio non fuit admiffa. Paris. n. 34. Secundò: dum prima resignatio admiffa quidem, sed revocata ante præstitum consensum in Camera vel Cancellaria; potest enim tunc denuo resignari in favorem alterius. Paris. n. 35. citans Rebuff. *conf.* 4. n. 15. ac dicens esse communem, Tertio: ut non procedat in omnibus istis casibus,